

四庫全書

史部

欽定四庫全書

浙江通志卷二十六

學校二

嘉興府

嘉興府儒學

在府治西北

弘治嘉興府志舊有廟在天

星湖上唐開元二十七年建廟後有學室宋太平

興國二年錢氏納土知州安德裕立學祥符二年

知州耿肱移於望雲門內西偏崇寧元年知州錢

通改建至元嘉禾志建炎兵火移於州治東即故
禮賓館為之紹興壬戌知州方滋於通越門內立

學

張嶧重建嘉興府儒學記紹興壬戌右奉議郎直秘閣知州方滋言郡學簡陋前臨河渠旁迫

治所宣囂混淆大失古人處士於燕閒之義請更諸舊基以詒今後事四月壬午上尚書省禮部以為宜下其事於州乃審曲面勢計間極量功庸慮時用練日庀事作殿於前築堂於後齋宿有所經誦有舍步櫚周垣門庑逼浴莫不備具先是學無典籍乃市書於四方貯之以庫而謹其出入為屋凡七十有三間以六月乙亥始事以十月庚申告成邦士大夫即儒進士耆稚畢會仰瞻歎息咸多

太守之義

弘治嘉興府志淳熙四年知州呂正已建御

書閣嘉定十一年知軍府岳珂改建廟學經營未

就十三年知軍府鄭定落成

表變為記

紹定二年知軍

府莫叔益重建觀頤堂

黃夢高為記

端平二年知軍府

趙與篁建御書閣寶祐丁巳郡守謝堂闢大門疏

潢池創講堂改建觀頤堂於東

張鎮為記

元至元丙戌

陳紹在徐碩等改御書閣曰尊經閣

徐碩為記

大德三

年總管辛仲寶重建廟學十一年教授孔演學正

趙由漳學錄沈德華嗣葺

牟巖為記

至順二年達魯噶

齊巴扎崇建大成殿戟門兩廡

張采為記

嘉興府圖記

至正二十三年知府陳宗義闢地重修

徐一夔為記

弘

治嘉興府志明洪武二十七年參議李文華重建

明倫堂於舊基宣德間巡撫大理卿胡槩重修建

四齋正統二年知府黃懋購地移建明倫堂號房

饌堂射圃

按陳循記內作正統九年

嘉靖浙江通志成化十八

年知府徐霖增建學舍萬歷嘉興府志嘉靖二十

七年郡守趙瀛大加修治嘉興府志萬歷初知府

李橡三十九年知府吳國仕崇禎十三年訓導吳

祖稷重修

國朝順治十三年郡守史載修

譚貞默為記

康熙十六年知

府盧崇興教授姜廷樸重建明倫堂啟聖祠

姜廷樸為

記十七年訓導范光燮重建饌堂五十五年知府

吳永芳重修次年移名宦鄉賢祠於戟門西建文

昌閣於學東

射圃

在文廟西

名宦祠

祀高史君以

鄉賢祠

祀陸贄以

十人

宣公書院

在府治北

明一統志元至正間建

劉基宣公書院

碑嘉興郡學舊有宣公祠其詳見於呂公祖謙之記而郡城之東駕湖上又有宣公書院其地有橋曰宣公橋故老相傳宣公實生於此故於此立祠以祀公至宋景定癸亥始以祠堂為書院丙子之歲書院延燎於兵而公像故存衆白郡迎於太初堂因以堂為書院大德九年濟南趙魯為山長病其簡陋始改作之其詳見於牟公嘏之記自是城東故址遂廢為壩泰定中有僧以賄請佃而建庵焉後至元二年庵災地復於書院是歲六月其僧復創庵如故山長雖爭之弗能得也至正十四年宣徽院判海岱劉公貞為嘉興路總管至則首治學校之闕欲新之而地隘弗稱乃用推官方君道

聖言命所司督其僧撤庵歸地復建書院其中為
先聖廟兩廡儀門東西禮亭櫺星之門其馮其西
為宣公祠祠西為室東鄉以祀郡之賢其外為三
門廟東為講堂其前軒仍舊扁曰仁義之堂以藏
宣公奏議謂其言無非仁義也西齋以延師教弟
子又增買蕩地若干畝以益廩膳庖廚倉潤各得
其所將成而公改除海道萬戶於是以屬之方君
方君力贊成之經始於至正十四年四月竣事於
十五年
二月

明大理卿胡槩知府黃懋皆重修

仁文書院

在三
埭東

嘉興府志萬歷中推官曹光德

建

久
圮

鴛湖書院

在郡
學東

嘉興府志康熙五十八年郡守

吳求芳建

嘉興縣儒學

在縣治東

至元嘉禾志舊有廟在縣西北

後廢附於州學縣學址更為郡社遺宋咸淳五年

令張抃以西城舊驛舍為縣學

梅應發為記

嘉興府圖

記元至正間縣尹陳伯顏新之

陳達為記

弘治嘉興府

志明洪武六年重修

陳世昌為記

宣德二年巡撫胡槩

命知府齊政知縣趙良大建禮殿明倫堂改建櫺

星門正統十一年知府黃懋復廣民居增號房官

舍嘉靖浙江通志嘉靖十四年徙今所

姚涑遷建
嘉興縣儒

學記學僻在城西規模隘陋侍御張景按蒞是邦
有司言易以興聖寺公亟命行之時大叅洪主方
僉憲焦伯升胥贊其役督學徐子升相與成之檄
郡守鄭南金邑令黃獻可身綜厥事乃改寺殿為
文廟殿左右為兩廡即其重門為戟門其外門為
櫺星門遷明倫堂於廟之東鑿堂前地為池遙與
天星湖相映建尊經閣於池東南池左右為東西
二齋廟之後堂仍而葺之為啟聖祠堂之後新建
敬一亭經始於乙未之冬落成於丙申之春

萬歷嘉興府志嘉靖三十

三年明倫堂毀知府劉懋新之嘉興府志萬歷二

十四年令陳儒新大成殿

許應達
為記

崇禎十一年明

倫堂毀令羅烱重建并修大成殿兩廡儀門十三年訓導孫肇元起聯奎樓廣學前道

國朝順治十三年知縣張厥修修廟廡戟門康熙六年

知縣金鏞改修明倫堂儀門十三年知縣梁沖霄修啟聖祠儀門二十一年知縣何誌重修明倫堂

聯奎樓四十四年知縣陳大宏修大成殿未完五

十四年知縣徐岱成之

徐鳳池為記

五十六年徐岱修

明倫堂

射圃

名宦祠

附府學

鄉賢祠

附府學

社學

五所一在東津四在

各鎮

秀水縣儒學

在縣治東

弘治嘉興府志明宣德五年吏

部員外郎李亨闢基七年戶部侍郎成均命同知

孟迪建明倫堂及後堂明年復建大成殿暨兩廡

二齋櫺星戟門萬歷秀水縣志正統十年知府黃

懋增建文昌祠及號舍景泰二年知府舒敬造膳

堂庖湏舍三年僉事陳永造櫺星門觀德亭五年

知縣童暉立射圃嘉興府志天順四年知縣莊徹
易櫺星門以石重新兩廡明倫堂膳堂二齋建退

居舍

林文為記

萬歷嘉興府志成化十九年知府徐霖

開學之東建鳴陽門嘉靖戊申知府趙瀛浚河闕
廓侵地萬歷二十四年知縣李培建尊經閣

陳懿典為

記

國朝順治十四年知縣賈曾康熙四年巡道上官鑑十
二年知縣李見龍教諭李文華先後葺建康熙十

七年訓導袁日華復正誼齋十九年教諭范正輅修

四十一年布政使趙申喬檄知縣于勛重建明倫堂

姜楠

杜臻為記五十三年知縣吳楷芝重建啟聖祠五十六年

知府吳永芳知縣丁兆啟重建大成殿兩廡櫺星門

射圃

在學南

名宦祠

附府學

鄉賢祠

附府學

社學

五所一在北營四在各鎮

聞湖書院

在聞家湖

秀水縣志明嘉靖中叅議沈謚

構以祀王陽明

嘉善縣儒學

在縣治西

弘治嘉興府志明宣德五年始

立學基知府齊政募邑民陸坦建大成殿

黃澤新
建嘉善

縣儒學記宣德庚戌春大理卿胡公巡撫東南以嘉興府地廣民衆賦稅浩繁釐其地別立縣治分理焉遂聞於朝許之曰嘉善凡新邑制度所宜有者咸創置如式乃以學校在所當先因區畫廟學位於邑之西姑就王益來典教事謀諸邑之令佐始構明倫堂而禮殿廡齋尚缺又明年蒲田林勤分教來茲四顧榛蔓惟歸然一堂大懼弗稱適知府齊政至邑勤以書白之政念工鉅費繁不欲徵諸細民也邑之巨姓曰陸坦者慨然捐白金三百有奇市材陶甃鳩力僦功而禮殿是營其崇四十六尺修如崇而殺其八廣如崇而如其七經始於是年九月落成於次年四月匠師工備則有司給其直人喜其成而不
其勞也

正統六年知縣李遜建後堂成化

八年同知楊冠募富民建明倫堂及兩齋後堂萬
歷嘉興府志成化十九年知縣江貴新門廡廚庫
饌堂號舍萬歷嘉善縣志弘治九年知縣吳傑訓
導王緒增葺嘉興府志弘治十一年知縣劉子厲
縣丞潘瑜先後增號舍及神廚牲房
程楷為記
國朝康熙十一年知縣莫大勲敎諭任雲蛟增修三十
六年學使鄭開極檄知縣徐現麟修五十三年邑
人錢煥五十八年知縣孫錦修

射圃

在明倫堂西

名宦祠

祀洪皓以下一十八人

鄉賢祠

祀陸贄以下五

十七

社學

六所一在思賢書院一在慈雲寺四在各鎮

戴氏義塾

在郡城東北黃潛戴氏義塾記嘉興郡城東北六十里曰白牛鎮居人數百家

為其鄉之望者曰賜谷處士戴氏患鎮學之弗立而後生小子無所受教規創義塾以私淑乎里人有志未遂而沒後二十年其子曰光遠字君實始因其經畫之素度地於鎮東若干步廣袤可二十畝而羸程土物畧基址考正面勢召匠簡材揆日興作先聖先師之殿峙其中論堂踞其後齋廡翼其旁邃廡穹門下至庖湍庫庾直舍之屬為屋總四十有五間圖史之藏什器之須纖悉畢備周以繚垣環以幽篁佳木花徑成蹊而猶其流泉為芰荷菰蒲之區又十畝不啻起至正六年八月訖七

年十月告成八年春二月乃延儒師招來學用仲
丁行舍菜之禮退即講席俾序進而請業焉四齋
職教者各一人生員恒百五十人割上腴之田五
百畝以贍之既成前人之志又將有以昭示後人
而圖其永久於是慈谿黃伯成以高文宿德主領
教事俾來求予記之予聞昔人有言惠有術也養
有道也惠不在豐而在乎不費養不在大而在乎
不窮戴氏父子其深知夫惠之之術養之之道乎
古者五家為比比五為閭閭門側之堂為塾大夫士
年老不仕者為左右師而閭中之子弟學焉今之
義塾猶其遺意若夫屋室之多則不止於門側之
兩堂學徒之盛則不止於閭中之子弟是皆非古
之所有其為惠也豐矣古者步百為畝為一夫之
私田今俾以田五百畝則十家之產也而況今一
畝為步至二百四十則又不止十家之產而已是
則出於古之所無其為養也大矣天之生人也莫

不賦以仁義禮智之性因其根心者使之尊師取友而日趨於善達夫深造自得皆其本然之固有初非損於此而益於彼斯不亦惠而不費乎物之聚也有數而其用也易耗雖封君之富欲以萬鐘為子弟之養尚恐廩人之粟有時而弗繼今乃使之因地之利歲取之而弗竭利於今者有以施反於後斯不亦養而不窮乎茲設教必有先後次第此特導以幼學之節而養其良知之本云爾他日而以俊選論於鄉以賢能登於天府授之以政將見利澤之加於人為惠益豐為養益大戴氏父子之功奚獨善於一鄉而止乎按郡乘宋名臣陳公舜俞其地人也舉進士應制科皆在前列以山陰宰名試館職不就而上書力詆青苗法忤執政意謫為監當官公以直道自信無所回撓每跨犢往來山中自號白牛居士遂以名其故里諸生息斯游斯仰企前修集利未遠誠有所感慕而興起安

知無如公者生於其間戴氏父子且與之同不朽矣

陸氏義塾

在汾湖

嘉興府圖記宣德中陸垣建曾鶴

記齡

思賢書院

在縣治東

萬歷嘉興府志正德間縣丞倪

璣建

鶴湖書院

在北門外

舊浙江通志明崇禎中知縣李

陳王建

海鹽縣儒學

在縣治西南

至元嘉禾志舊在縣東宋太

平興國中主簿攝縣事石知一建景德二年令翁

緯移縣南重建嘉祐八年令褚珵立學於東南

自為

記紹興十五年令徐光實新之

李正民為記

乾道二年

令劉銓遷於縣南淳熙十五年邑丞李直養新廊

廡紹熙元年李自丞遷令修大成殿立小學置書

籍祭服嘉靖浙江通志元元貞五年陞州學知州

趙孟貫徙今所

陳旅為記

至元元年知州陳某作大成

樂

黃潛海鹽州新作大成樂記古之釋奠折俎升觴而已其為禮也略故其用樂之始莫得而詳

記曰凡釋奠者必有合也說者或以合為合樂然則釋奠之有樂其出於古歟若其音節器數則自漢儒未嘗言之前史所載元嘉之六佾特施於太學開元之宮懸僅設於兩京政和造雅樂名大晟始頒行於天下而紹興著令郡邑釋奠其樂三成蓋至是而州縣學有事於先聖先師無不用樂者矣國家有因有革存其聲音物器之舊而變其稱號以新一代之觀聽其所謂大成樂是也海鹽昔為縣時既立學而廟祀孔子建版圖入職方朝廷以其地大人夥易縣為州而廟學之制猶循其故禮具而樂缺有司以吏議所不責久置不講至元元年夏四月陳侯某來知是州首務興舉學政問其籍則為士者百家為田者萬畝問其春秋之事則有牲幣而無樂侯為之惕然與僚佐諸儒共圖之僉言儀真有周君者善樂事老而不仕寓迹於雲間欲正雅樂非君不可侯即俾持書幣迎致焉

君曰樂以導和不和不不足為樂僕觀江淮間所用樂雖出於伶人賤工之手器不中法音不中律左右高下參差混淆惡足以致和哉苟徒損厚費而飾虛文僕弗為也侯曰作樂以和神惟君言是聽君乃為考其數度齊量範金為鐘而協以古律管彼此適均吹其律而鐘自應至於琴瑟亦悉自制惟笙磬之屬擇善工使受指畫而為之集諸生三十有二人教之肄習而以明年春二月上丁合奏馬在列者無不欣豫於是教授陳陽翁以狀來屬予書於麗牲之石用垂永久蓋古之設教莫重於樂非止用於釋奠也侯之於樂不但欲辨其鏗鏘又必求通其義者相與討論之可不謂知所本乎諸君子從侯修其時事周旋升降於堂序之間必有聞其樂知其德而鼓舞於鳶飛魚躍之下者矣是舉也有功於教其道甚大非徒備其闕典而已可無書乎

明復為縣學弘治

嘉興府志正統十二年知縣曾昌建神廚牲房萬

歷嘉興府志景泰四年教諭王恭改建門樓於東

南海鹽縣圖經明倫堂成化中知府楊繼宗重建

張寧為記弘治海鹽縣志成化十二年知縣徐朴重建

大門嘉興府圖記嘉靖辛卯知縣夏浚新之嘉興

府志萬厯五年知縣饒廷錫建會講堂天啟初知

縣樊維城修

射圃

在櫺星門東南

名宦祠

祀李諤以下二十五人

鄉賢祠

祀千寶以下六

十九
人 社學

在縣
治東

馮氏義塾

在縣治東徐一夔馮氏義塾記海鹽縣治之東十有八里地曰砂腰實斥鹵之

處馮氏世居馮大厯中有號梅軒處士者病其鄉閭無講學之地創為閭塾殿堂齋廡如學校而以田百畝入於塾擇勤敏者掌之以其所入延士之有學行者為塾師使馮氏與其鄰里之子弟入學於塾且給之餐後至元初知州事趙侯孟貫義之署為馮氏義塾至正初塾燬於兵其子更作之而禮殿未備會官府計田以賦而塾有田不能獨貸其長孫椿集其諸弟議曰塾之設吾祖義事也使田以塾用而充賦則塾無所入而已成之規隳矣吾共以家田所入當塾田之所輸則塾可存諸弟繼之椿且將與弟完塾之所未備以畢其初之志繼自今邇海之土俗有慈讓之風人有君子之行

有以見義塾之
化底於成矣

石門縣儒學

在萬歲橋東

至元嘉禾志宋元豐八年令

吳伯舉始創縣學於縣南運河之西岸

沈祐崇德縣新建儒

學記崇德居山澤之介孔道四出戰國之時閭閻
句踐嘗大戰於攜李禦兒之間裂其地而守之至
今墟壠網絡稻蟹之利轉徙數州元豐八年祐蒼
吳君伯舉為是邑也始為築宮廟以祀孔子聚學
者擇經師而教之以義理行能不苟使之為文章
誦習務中有司之程而已培高為堂燕有二室繚
以環廬豐約稱事四方閭令賢皆來學惟恐在後
崇德為遠邑縣令為小官興材賦工動觸吏禁非
篤誠自信強有才者不能任也此其成就之難又
未若持之之難也債犀象為鴻鵠之器非深山大

谷則無以養其材執規矩而求之者不視其材視
所養則軌軌之室孰規矩者所視也養之以先王
之所待以興者而不徒循其末
跡則其為役也不為苟美矣

嘉靖浙江通志紹

興間令黃楊徙河東元至正間知州王雍徙今所

正德崇德志明洪武六年知縣田慶元重建弘治

嘉興府志天順八年知縣郁倫修成化庚寅知縣

王興重建明倫堂弘治辛亥知縣吳浚重建大成

殿萬歷崇德縣志隆慶初朱令潤萬歷丙子蔡令

貴己卯陳令履戊戌陳令允堅修嘉興府志崇禎

十七年知縣解學周教諭孫肇元重建明倫堂

國朝順治十二年署縣通判韓範教諭周有亮重建大

成殿

谷應泰為記

康熙二年教諭陳祖法重建尊經閣

雍正元年知縣王以和修櫺星門六年知縣李廷

鑄重修明倫堂尊經閣及儒學大門

射圃

在尊經閣東南

名宦祠

祀吳伯舉以下八人

鄉賢祠

祀趙汝能以下三十

人

社學

在縣東

傳貽書院

在縣治東北

續文獻通考宋儒輔廣讀書

之所後人立書院以祀焉

文及翁傳昭書院記朱文公受學於延平門人

遍天下中更偽禁磨涅而不磷縑者絕無而僅有
於時潛菴輔公獨立不懼自祠官報罷歸隱語漢
題讀書之堂曰傳昭蓋將以傳之先儒昭之後學
為已任著書滿家至今語漢之人薰其德而善良
不知其幾祠而奉之尸而祝之宜也崇德縣大夫
家之柄以元祐同門元符上書故家著聞詩禮及
見典刑洋洋輿誦挺挺祖風薄書期會整暇之餘
思所以彰善癉惡表厥宅里樹之風聲此傳昭書
堂所由建也堂成移書謁記取拜手稽首對揚我
朝道學源流之盛以諗同志庶學者於善惡之幾
正邪之別義利之判人心道心之危微天理人欲
之消長知決擇而定趨向焉其於國家化民成俗
之意豈曰小補之哉若夫講席堂規書糲工築創
造歲月詳記備載則有司存春秋之法常事不書

賢者識其
大者而已

白社書院

在石人涇

舊浙江通志衛富益教授講學

處

久圯

平湖縣儒學

在縣治東
潁當湖

弘治嘉興府志宣德五年

立縣吏部員外郎李亨肇建講堂後四年縣丞孫

華建大成殿兩廡

溫純始建平湖縣廟學記縣有
學而建大成殿則自縣人陸迪

功珪始迪功故以博學孝友聞景泰中施穀種施
棺瘞餓夫千詔授迪功郎故稱迪功云初建縣會
時拙力不及廟學迪功曰范文正公以其宅為
學吾與以資豐後人寧佐公家急於是捐資構大

成殿又同縣人沈昊佐建學宮廟學工甫訖縣令酌酒仰天為陸沈祝願世世簪紱不絕已而果然

景泰二年知府舒敬重造膳堂庖湍三年僉事陳

承重造櫺星門五年知縣童暉立射圃天順六年

知縣張寧建明倫堂兩齋儀門成化十年知縣郝

文傑新之癸卯御史劉魁買地以拓門境天啟平

湖縣志弘治辛亥教諭林光構靜觀亭萬歷嘉興

府志嘉靖三十二年教諭韋鑾建魁星樓三十九

年知縣陳一謙建學倉四十二年知縣顧廷對增

門廡建龍吟閣嘉興府志萬厯間一燬於火再傾
於風知縣劉士瑗江寰黃燾先後修葺崇禎初颶
風復作文廟兩廡圯知縣賴垓吳春枝相繼建修
國朝順治十四年知縣朱之翰金鍛相繼修康熙十六
年紳士重建啟聖祠築圍牆陸光旭獨成禮殿二
十五年知縣陳時夏朱維熊紳士陸洽原等重建
明倫堂龍吟閣修大成殿陸萊為記三十八年知縣王
瑋修五十九年知縣林緒光紳士胡瞻等濬泮池

園以石欄雍正六年舉人徐上法貢生張逢年倡始攝縣白環署縣方以恭教諭趙瀚葉卽訓導余

汝鵬紳士陸奎勲等重建廟學

陸奎勲為記

射圃

在南門外

名宦祠

祀梅清以下二十四人

鄉賢祠

祀魯文謚以下一百

六人社學

在學西

崇文書院

即報功祠

舊浙江通志明嘉靖中知縣陳

一謙立

久圮

介菴書院

在縣治東

嘉興府志總督胡宗憲為陸淞

建

天心書院 舊浙江通志為陸氏義塾

莫如忠記

栢林書屋 平湖縣廟學志雍正六年邑人胡紹

泉俞錫齡張建寅沈方蕙釀造為會課公所

桐鄉縣儒學

在縣治東北

弘治嘉興府志宣德五年大

理卿胡槩守齊政得邑民徐進居為學基七年知

縣趙中肇建明倫堂正統二年知縣范宣繼建大

成殿兩廡神廚神庫文昌祠繼知縣田王建戟門

櫺星門齋舍倉廩闢射圃嘉靖浙江通志天順間

知縣張泰修

李賢為記

弘治嘉興府志天順四年縣丞

鄧玘建饌堂觀德亭成化七年叅議劉潺僉事周

正方縣令李經畫撤而新之

夏時正為記

嘉興府志正

德九年知縣任洛重建明倫堂萬歷嘉興府志嘉

靖四十二年義民沈瓚建尊經閣知縣曾士彥建

文昌祠文奎閣嘉興府志萬歷五年知縣蔡時鼎

重新明倫堂九年知縣高梅教諭李九標重新廟

廡九標重建文昌祠

茅坤為記

二十三年知縣陸枝重

新廟學

國朝康熙六年教諭閔圻申重建明倫堂十五年知縣

徐秉元教諭馮勸修殿廡十九年訓導吳賓文重

建啟聖祠二十年知縣何金蘭重建名宦祠三十

四年知縣郭金湯重修殿廡建二坊五十六年邑

人金學渭修名宦鄉賢祠

射圃

在奎光樓後

名宦祠

祀黃幹以下人

鄉賢祠

祀徐綱以下人

十二社學

三所一在西門外一在王溪鎮東一在興德橋東

正心書院

在惠雲寺西南

嘉興府志崇禎十四年建

義學

在縣治東寅賓館舊址

雍正九年知縣陳大慶建

湖州府

湖州府儒學

在府治東北

弘治湖州府志唐前在子城

內武德中李孝恭築羅城徙廟霅溪之南而學附

焉嘉靖浙江通志宋寶元二年知州滕宗諒請於

朝改建於州治西賜名州學賜田五百畝以贍生

徒延安定胡瑗主教事作堂規五等分經義治事
等十八齋齋規亦五等於時湖學之盛聞四方詔

取其法行之太學

張方平新建湖州學記寶元二年尚書祠部員外郎滕君守吳

興郡始至見吏民問疾苦披圖考俗顧謂僚屬曰
四代之學起於黨遂漢氏繼周而王懲秦之敗稍
復尊用儒術東都中興儒雅寔隆公卿大臣咸門
有諸生橫經受業三分多難文獻不足唐雖禮典
甚講蓋文具而實喪是以後王研窮理要終莫致
於三代者所以化民成俗之道育材官人之法隳
其根本也惟我治朝庠序且遍諸郡矧吳興南國
之奧有佳山水發為秀人而學校不建豈布宣王
家風教之意歟僚屬曰唯相與輸金建學十二月
考景營基鳩材類工且以命教請於上越明年夏

四月勅書先至錫名州學賜田五夫六月新學成
復立小學於東南隅童子離經肄簡諒者聚焉凡
為屋百有二十楹既釁罷用幣釋菜成禮客有興
於座曰美哉學也若稽田既勤數畝在所播植惟
學敏厥修念終始在其所志君子學以聚之問以
辨之舉而可以成天下之務斯得謂之志矣若其
拘文牽義誦焉而不通其變習焉而不達於用此
士之大患也能開達學者之志慮使廣大深實知
道之所以為用茲可以為師矣彼先王之糟粕後
世且得其味而嘗諸苟知道之所用何學而非道
者茲可以為學矣士充其業上使
其器則致理之本不在學校乎

元末學燬偽左

丞潘允明改建今所萬歷湖州府志明洪武初知

府張宗敏顧惟德仍元舊制成之

楊雲為記

十二年知

府談士奇闢射圃

童冀為記

永樂十三年知府何興修

方安為記

景泰二年知府程道興重修建石橋於泮池

楊蕭為記

天順三年知府岳濬復修

魏驥為記

成化十一年

知府勞鉞復大修

商輅為記

弘治三年知府王珣增飾

王儼為記

十三年知府鄭宏重修嘉靖六年知府萬雲

鵬建尊經閣

袁袞為記

十三年知府陳纘濬泮池移儀

門

陳霆為記

二十年知府張鐸重修改闢射圃二十六

年通判湯世賢拓地櫺星門外築垣三十五年知

府徐洛重修

唐樞為記

四十年知府張邦彥復修隆慶

五年知府栗祁復大修

射圃

在尊經閣後

名宦祠

祀孔愉以下二十七人

鄉賢祠

祀沈黜以下三

十人

安定書院

在府治西北

弘治湖州府志淳祐五年知

州蔡節即城西建元至元間為寺僧所據延祐中

湖州路總管郝鑑復之舊有夫子燕居元統三年

山長張蔚修廣之

富珠哩 卅安定書院夫子燕居碑銘元統三年湖州安定書院

山長張蔚以夫子燕居堂室陋陋率儒衆鳩工徒徙居而北堂隆序拱增壯曩昔翬聞宋安定先生以蘇湖教授師太學其志務在洗滌賈藝干利之習復先王之舊其教卓然有造士風天下宗之英才育焉與泰山孫明復徂徠石守道皆有師道學者稱曰三先生程明道兄弟之所傳雖自濂溪來伊川遊太學聞三先生之教遂厭科舉知其傳之正也先生家泰州望安定教湖學久卒葬烏程今郡縣書院猶古黨術之庠序也學者報本必祀先聖先師聖尊而師親師必鄉賢於泰於湖皆築書院泰先生父母之鄉湖其桐鄉歟翬營叅位辟雍蔚園子生也既為序之敢附雅頌明聖朝之治正吳越之風辭曰維山有松可斷可度維水有藻可採可芼由宮而門由堂而室柱礎桓桓籩豆秩秩瞻仰先聖中中天顏說曾唯天朗日照繼是孰先孫思鄒孟以俟後學其傳者正安定生世千古

寥寥濬導洙泗於雲於苔貞我皇元履時持載教
澤四充滋溢光大太湖之府安吉之鄉流風遺韻
古今洋洋弓長氏蔚鼓舞士衆義順事宜崇此明
梁棟材以資世學以育材繩繩繼繼用鑑靈臺明

宣德初都御史胡槩撫浙即故址重建

周述為記

弘治

四年知府王珣重修湖州府志正德四年知府耿

明購集遺書置祀田

邵銳為記

隆慶五年知府栗祁重

修

一菴書院

在府治東北

萬歷湖州府志嘉靖四十一

年御史張科行知府張邦彥建

烏程縣儒學

在縣治東

弘治湖州府志宋崇寧中附於

州學元至元三年縣丞宋文懿得縣治東丞廳故

址創建

程郇為記

至正十二年燬於兵惟存禮殿十三

年達魯噶齊烏納格齊建尊經閣明倫堂旁置二

齋明洪武初主簿鄭耕巖知縣孫宏敬相繼建萬

歷湖州府志宣德間知縣宋彬伐石為櫺星門嘉

靖浙江通志正統元年教諭嚴安理建明倫堂

周忱

烏程縣學新建明倫堂記天下郡縣學宮之制必有論堂居禮殿之後名曰明倫蓋以為師弟子講

賈授受之所而詩書禮樂之文必於是而肆也湖之屬邑曰烏程其學在縣治東自宋建創有禮殿而無論堂師弟子講習假寓於尊經閣之下地既湫隘而又壓以重屋鬱塞而不舒因陋就簡歷數百年未有能改作之者宣德八年秋教諭嚴君安理始至度地於閣之後得若干尺絮其方廣計可移間於後易其故址以為堂不干於寮窠不取於生徒首探已橐市材以為倡邑之士人各以資來助遂筮日於是年正月閣既遷矣乃築土於故址增其崇三尺而構堂於其上堂之後復為川堂以達於閣嚴君躬督其役妻孥執爨以食工匠郡邑長貳聞其勤且篤咸相攸助越四月告成規模壯偉輪奐炳耀來遊之士有雲飛川泳之樂夫烏程為安定先生過化之地典教之官非經義治事兼盡其長者不足以著稱於此嚴君自永樂間以明經舉進士優游胄監積有年歲其經義之優長余

固知之矣今於茲堂之創又足以見其治事之方他日升進蓋未可量故為之記 成化十

四年知縣魏琮遷今所為陳音記 萬歷湖州府志弘治

間知府王珣張曰瑚各修治正德十一年知縣陶

益增葺之為趙璜記 嘉靖四年知縣鄔紳移學門濬泮

池九年知縣戴嘉猷開泮池之水前通文廟十三

年知縣錢學建尊經閣立名宦鄉賢二祠闢射圃

十九年教諭卓邦清培明倫堂址二十五年通判

湯世賢知縣朱曰藩建文廟并櫺星門三十二年

知縣張冕大修之

唐樞為記

四十年知縣荆文昭重修

崇禎烏程縣志萬歷十六年知縣楊應聘重修加

廣明倫堂基

范應期為記

三十四年知縣陳經正大修

四十七年知縣徐遵宗修天啟四年知縣馬思理

修六年明倫堂圯又新之崇禎五年知縣王夢鴈

九年知縣劉沂春修

國朝康熙十一年教諭龔璘十四年教諭童楷相繼修

射圃

在學儀門外

名宦祠

附府學

鄉賢祠

附府學

社學

八所

三在
鄉五

保滋書院

在射圖南

舊浙江通志明崇禎間建

歸安縣儒學

在縣治東南

弘治湖州府志宋附於州學

元泰定乙丑縣丞旺扎勒布哈始遷於今處

鄧文原歸安縣

新建儒學記自宋寶元間安定先生以經學為師由是東南諸郡知有仁義禮樂之教其後郡縣皆立學太學亦取以為法故湖學之盛最於他郡郡之倚郭縣曰歸安猶未建學附於郡學東偏泰定甲子南陽旺扎勒布哈擢進士第明年來丞茲邑顧瞻興慨遠首出已俸買地縣治之東畝溪山迴互面勢敞爽宜為學者藏修息游之所於是剪夷榛翳經度廟址為殿成中儀式講肄有堂居處有舍

重門修廡中外具備肇始於三年四月越一年閏月舍菜以落之又置腴田造祭器以圖維永久士歡然曰學校風化所先知至正庚寅尹魏信增兩建學斯得為政之本矣

齋洪武三年知縣江漢倬置射圃五年知縣羅至剛重建櫺星門闢戟門造兩齋饌堂移學門於東買地以拓射圃洪武十年知縣陳良增櫺星門為三嘉靖浙江通志景泰元年教諭況暹修萬歷湖州府志弘治四年知府王珣徙櫺星學門於河之南嘉靖十年知縣劉塾建尊經閣名宦鄉賢二祠

十四年知縣張烜建石橋五濬門內河甃以石

施儒

為記隆慶六年知縣鄭銳修葺

國朝康熙八年知縣陳廷簡重建明倫堂

姚廷啟嚴我斯皆有記

十一年重建啟聖祠

射圃

在學門外

名宦祠

祀戴顓以下五人

鄉賢祠

祀孟宗政以下十四人

社學

三所一在歸安界一在崇新界一在報恩寺

長春書院

在縣治西

宋淳熙中宣教郎朱弁建朱子

顏其額寶祐間朱子曾孫潛任烏程令修之其元

孫萬翁遂家焉明嘉靖間重修

唐樞重修長春書院記歸安竹溪去

城三十里溪水清遠宋紹興中通間副使直秘閣朱公流寓居此公為考亭朱子從祖朱子自浙東來訪士大夫從遊講學因建書院以世居婺源黃巖之長春鄉顏曰長春亦猶廬山之有濂溪不忘所自也厥後朱子之孫潛仕烏程令增設齋宇歲久傾圯再修於其後人松泉復修於愛蘭今年春予友雙橋昆弟又重修之而令予為之記考書院之設由宋迄今日以寔廣然宋以明道講學而近世則唯逐聲譽立異同弄筆墨而微利達而已獨朱氏長春書院猶能奉前人之家法規矩而祖旦之雖其鄉鄰族黨有遺風焉茲書院則一而源流之異如此則先賢之澤長矣雙橋昆季忠孝友睦克繼其世其鴻工庀材手足為率觀其事足以知其志矣嘉靖壬子仲秋記

崇禎間裔

孫刑部主事朱懷幹增建兩廡

國朝康熙四十年知府陳一夔重修

長興縣儒學

在縣治西

嘉靖浙江通志舊在縣東宋寶

元間令林槩建紹興間令黃偉徙太平橋弘治湖

州府志淳熙二年趙師復重修其後林大中趙彥

洸李樞復大其規模紹定庚寅知縣史岩之增學

租壬辰知縣趙汝譔重建御書閣元至正十年

達魯噶齊哈喇哈達重建大成殿明倫堂兩廡兩

齋萬歷湖州府志明洪武初知縣蕭洵重建廟廡

二齋弘治間知縣徐浣重修嘉靖浙江通志嘉靖

十年推官王濂徙今所

姚一元為記

長興縣志嘉靖三

十七年知縣王宸置學田隆慶八年知縣顧其志

重修

徐中行長興縣重修儒學記隆慶五年令吳中顧君下車謁廟歎曰余子游之鄉人也將

弦歌於斯邑顧宮牆有闕狀何以稱長上乃修學宮屬尉董之先師殿廡啟聖諸祠齋居神庫肅肅

如也明倫堂尊經閣號舍庖湑重門坊屏秩秩如也繚以周垣飾以丹堊綜理甚具舍菜告成冠帶

縉紳圍而觀之天目居南桐泖在西東北涯以太湖三菩罨畫流經泮宮之前宮牆煥於其間雖山

川蘊藉如故而其秀發於文
人者心志耳目作新不倦也
萬歷二十四年知縣

劉一臨重修三十一年知縣熊明遇重修創觀德
堂甲秀閣崇禎初知縣向鼎十年知縣吳鍾巒重
修

國朝順治九年知縣劉邦貴教諭李弘名康熙十一年
知縣韓應恒教諭張佩綸各重修

射圃

在明倫堂西

名宦祠

祀耿炳文以下九人

鄉賢祠

祀陸龜蒙以下七十

一社學

二所俱在縣南

東湖書院

在縣治東北二十五里

續文獻通考元邑人蔣

必勝創詔賜額名圯

講德書院

在承恩門內

長興縣志嘉靖三十七年知

縣黃宸建

養正書院

在長安門內

長興縣志明大司寇顧應祥

建延師訓邑中童稚

圯

箬溪書院

在金蓮塢院之右

長興縣志萬曆三十四年

知縣熊明遇建

松水社堂

在金蓮
埭前

長興縣志明熊明遇建

霞舟書院

在箬溪
書院右

長興縣志明邑諸生為令吳

鍾巒建吳頗右文學諸生以時執經問字其中

德清縣儒學

在縣
治東

弘治湖州府志宋大中祥符庚

戌令劉洞創於縣之西南隅明道壬申令竇充與

邑人沈當徙建於尉廳之左紹興癸丑令楊鉞重

修

沈與求重修德清孔子廟碑予少時嘗聞諸長老言吾邑初脫五季之亂人樂更生敦朴力穡

未知學也大中祥符間予從祖書記始以儒學中進士甲科名稱藉甚鄉黨榮之邑之子弟遂風勸

於學其後正議大夫盧公父子踵取名第翱翔要
途而學者日寢以盛故有孔子廟基下制狹既不
足以揭虔妥靈而衿佩野逸弗克羣處迨明道壬
申河南竇充來是邑以為餘不溪來自天目之山
注於邑之東南兩山挾之香氣橫出宜益有縉紳
之祥乃作今廟高明亢爽非復舊比而文雅之士
班班出焉迄今百有三年而牆屋頽圯草莽於堂
廟貌雖存丹青缺落使人喟然有寧不嗣音之嘆
太末鄭如幾隱居溪陰率邑子沈良能相與告於
邑令楊錢及境內之士大夫士大夫悉勸趨之爭
出緡錢以佐其費乃盡撤而一新之視昔有加焉
經始於紹興癸丑之仲冬越明年春上丁行釋奠
之禮落成焉是日也予兄次律攝衣升堂談春秋
大旨凡邑之士大夫濟濟在列咸有肅容邑令請
予文以記乃為書其本末而系之以詩曰餘不之
源來自天目注之兩崖其勢若束惟邑東南山縈

水洑始建廟宮茲馬考卜士也來遊文風載郁更
時搶攘園蔬是鞠豈其山川秀氣回復厥有吾徒
輸金委粟載新棟樑工靡程督有神司之不疾而
速揭揭元聖端冕袞服羣公從之祀事孔肅嗟我
令尹崇化表俗曰興自躬往繼前躅勉我士子荒
怠則辱惟以嗣音豈惟干祿祥源洋洋庶來其績

嘉定丙子知縣黃耕益學田淳熙三年知縣趙汝

歸大加興繕嘉靖浙江通志正統六年知縣王敬

徙今所

胡漢德清縣重建儒學記德清縣儒學舊在縣治之南歲久頽圯正統六年毘陵王

敬來作令下車之初釋菜廟庭徘徊周覽謂其雜
處市廛非育才之地退而謀諸縣丞崔時雍楊冕
教諭戴昇訓導范敏俱慨然有改作意遂相基於
縣治之東得義民蔡凱隙地高明寬爽堪為學宮

時巡撫臣卿周公恂如適來按邑亦甚稱許遂奏
易之官民捐助市材鳩工經始於壬戌之冬先作
禮殿次及兩廡以至明倫之堂肄業之齋習射之
圃治饌之廚儲粟之庾及夫祭祀之庖庫師生居
宿之廨宇凡學之所宜有者罔
不畢具宏深觀興藻飾大備

萬歷湖州府志弘

治十年知縣王良臣增建嘉靖四年知縣方日乾

修

鄧銳
為記

隆慶元年知縣陳宜重修

許孚遠
為記

德清縣

志萬歷六年知縣史朝錄修二十八年知縣湯宏

重修三十八年知縣熊得陽天啟四年知縣教榮

繼修崇禎十年知縣丁煌修

國朝順治十二年知縣謝延嗣修建十八年知縣馮壯
重建明倫堂雍正十年知縣錢學洙捐俸倡修自
大成殿暨兩廡戟門櫺星門明倫堂及宗聖祠名
宦鄉賢祠文昌祠整煥一新

射圃

在城內市亭山之
陽紫陽觀之左

名宦祠

祀孔愉以下
二十一人

鄉賢

祠

祀沈麟士以
下四十二人

社學

在射圃
之南

東萊書院

在慈相
寺東

萬歷湖州府志宋嘉熙間令

章鑑創建明弘治九年知縣王良臣復即寺之披

雲閣建嘉靖四年知縣方日乾重加完繕

織簾書院

在吳苑山之陽

萬厯湖州府志南宋時建祠

於此祀織簾先生沈麟士歲久頽落明嘉靖四年

知縣方日乾創立書院

陳震織簾書院記初南宋沈先生麟士聚徒受經四

方來學者恒數十百人先生於世無所取幣簾自給迨年且八十猶手抄故所毀亡書至二三十卷

其歿也門人尸而祀之稱曰織簾先生蓋表其高節清行思以激天下之貪天鄙人若昔聞伯夷之

風者云爾嘉靖二年方侯日乾來為德清考德問政拜先生遺祠於榛棘中顧見棟傾壤頽烏鼠之

跡交索乃慨然興嗟已而眺瞻於元峯則長溪前紫層殿後登屏密疊猷環列於煙雲杳靄之間侯

喜見顏色曰是可以宅先生矣四年秋書院告成
作先生之主而奠焉謂寔宜有記傳曰雖無老成
人尚有典刑先生往矣而書院之作其典刑固在
也嘗試登山而眺白雲在巖明月來岫意先生尚
高卧其中思起而從之遊則既不可得矣溪山之
間松濤有聲猿鶴酬和耳目所接固其流風遺韻
也乃援楚騷賦招隱一章先生有知庶其來安其
辭曰若有人兮雲林高風激兮靈襟世誠澗兮孰
諧表獨立兮秋岑空九州兮眺遠眇齊烟兮九點
劉芝田兮足糧何百歲兮修短紫荷裳兮秋句青
蘿屋兮夏寒君可樂兮山間乘白麕兮從元虎朝
東崦兮夕西塢還夜誦兮蟲勞苦蚪澄泉兮在壺
采秋英兮盈掬儼歲時
德清縣志祠宇廢徙主於
今奉薦慨千古兮選躅

東萊書院萬厯三十二年因故祠旁有尼菴應毀

邑諸生請於令改為書院

履齋書院

在新市鎮

德清縣志宋丞相吳潛宅淳祐

間奉勅建有御書樓

址

武康縣儒學

在縣治東

嘉靖浙江通志舊在今學之西

宋天聖中令何湜遷於縣東南弘治湖州府志建

中靖國元年令毛滂修建

自為記

乾道三年知縣張

端友校尉周粹中改築易向增其舊規淳熙十五

年邑巨室聞人觀國觀時作大成殿造四齋

蕭德藻為

記
元至正十六年燬於兵明洪武三年知縣李大

春重建六年知縣張居敬重加修建

張文昱為記

宣德

八年知縣華璿重建明倫堂正統十二年知縣黃

珏復加修繕嘉靖浙江通志弘治九年知縣郭祚

徙今所萬厯湖州府志正德七年知縣謝珊拓而

新之嘉靖十四年知縣馮霄建尊經閣

唐樞為記

隆慶

三年知縣金九臯改建廟廡戟門萬厯元年知縣

楊譽修武康縣志萬厯四十三年知縣周宗建更

新之崇禎九年知縣鄭朝彥修飭

射圃

在學東

名宦祠

祀賀循以下二十一人

鄉賢祠

祀沈動以下五十一人

人社學

一都至十八都南
北界並設一所

安吉州儒學

在州治西

弘治湖州府志舊學在縣東宋

建炎中為水所沒紹興初令馮康重建元至正十

二年燬於兵嘉靖浙江通志明初知縣王津徙今

所萬厯湖州府志洪武四年知縣孔克剛建明倫

堂兩齋嗣是修治增飾不一正德二年陞縣為州

遂為州學嘉靖二十一年知州范敏開宮牆鑿泮

池

莫如爵為記

三十四年知州江一麟重建先師廟及

神厨祭器庫文昌土地鄉賢名宦諸祠復修兩廡

啟聖祠明倫堂并兩齋舍泮池

劉麟為記

國朝順治八年知州劉道著重修十四年先師廟災越

二年知州楊茂祖重建康熙十年知州曹封祖增

建明倫堂

射圃

在州治南

名宦祠

祀裴松之以下一十六人

鄉賢祠

祀王文殊以下一十

一 社學

在州治南地

孝豐縣儒學

在縣治東

嘉靖浙江通志明弘治元年知

府王珣建萬厯湖州府志嘉靖二年知縣郭治修

孝豐縣志嘉靖三十二年邑人吳松捐貲徙建東

門

張翹為記

天啟三年知縣王新政改遷今處

國朝初知縣田養民又遷東門康熙七年知縣楊錫汝

仍遷今址

射圃

在文廟右

名宦祠

祀王珣以下六人

鄉賢祠

祀王翬高冕二人

社

學

五所二在縣西一在縣
東一在縣南一在縣北



浙江通志卷二十六

欽定四庫全書

史部
浙江通志卷二十七

詳校官給事中臣戴璐

檢討臣德生覆勘

總校官編修臣倉聖脉

校對官學正臣湯垣

謄錄監生臣楊可震

欽定四庫全書

浙江通志卷二十七

學校

三書院附

寧波府

寧波府儒學

在府治北

延祐四明志唐開元二十六年

始治州學寶應廣德間燬貞元四年王沐建廟宋

天禧二年李夷庚移於城東建炎兵燬聖殿獨存

郡人林暉捐金至紹興七年仇愈卒成之十九年

徐琛建稽古堂後岳甫守郡置成德齋養正齋至

正四明續志景定三年總管郭郁重修袁楠為記成化

四明郡志咸淳六年守洪燾更造大成殿王應麟重建寧

波府學大成殿記吏部尚書洪公燾以數文閣學士來牧四明舍奠於學顧瞻禮殿梁棟彫剝喟然

曰職在宣化弗惟道原是崇曷克稱明詔若稽郡乘舊夫子廟肇自唐貞元四年至今四百八十餘

年矣元氣回復理若有待明年實咸淳紀號之六年迺鳩工飭材而鼎新之穹棟碩楹煥奕嚴敞視

昔有加焉以某月日虔妥用幣衿佩雲集相與端拜而議曰吾邦自慶厯諸老淑艾後進乾淳大儒

闡繹正學孝悌修於家而仁遜興齒德尚於鄉而風俗厚理義明於心而賢才感善信充於已而事

業顯聖天子立教於上而夫子之道益彰昔魯僖公能修泮宮
迪教於下而夫子之道益彰昔魯僖公能修泮宮
威德所被至於海邦夫子列其詩於頌而先儒傳
春秋則曰學校為國之先務雖用民力不可廢也
故不與新作南門櫟書之策今公茲舉合詩春秋
之義豐道扶教作新數百年幾墜之緒盛德至善
百世不忘也應麟世家於鄞幸得從先生長者後
升堂聞金石之音入宮牆而見宗廟之美惟我同
志服膺聖訓陟降庭止昭假不違上以承天子之
休德下以篤師帥之善教罔俾克廣德心專美魯
之多士尚
其懋哉 延祐四明志元至元十九年火二十九

年廉訪副使陳祥立尊經閣至大二年副使趙宏
偉勸士重建嘉靖浙江通志明正統二年知府鄭

珞重建天順八年知府張瓚成化三年知府方達

相繼重修嘉靖寧波府志成化間僉事吳璘闢尊

經閣甃池築室弘治丁巳守伍符嘉靖甲午守鄭

威丁巳守張正和重修

屠瀟王應鵬張時徽各有記

寧波府志

萬厯四年巡海道劉翹知府周良賓增葺

范欽為記

三

十二年知府鄒希賢重修文昌閣

自為記

三十六年

教授高明重製神主

沈一貫為記

崇禎九年知府許捷

葺廟堂齋廡知府林夢官卒其工

林棟隆為記

十三年

巡海道王應華改葺

沈延嘉為記

國朝順治八年巡海道王爾祿重修

沈延嘉為記

康熙九年

知府崔維雅率屬重建明倫堂

史大成為記

十一年通

判郭一鳳重建啟聖祠

史大成為記

十五年教授葛衷

欽修先師廟同知殷作霖成之三十一知府張

星耀四十三年知府甘國璧五十二年知府李肅

先後繼修五十七年知府尚瑤重修先師廟雍正

二年學使彭維新重建明倫堂五年知府孫詔重

建西廡及名宦鄉賢祠六年重建文昌閣知府曹秉仁成之八年秉仁創省牲所

射圃

在學西

名宦祠

祀文種以下三十八人

鄉賢祠

祀黃公以下六十有

二人

桃源書院

在府城西

舊浙江通志舊在鄞縣西三十

里宋王說家塾也尋廢後人復改築於城西十五里

甬東書院

在城東五里

續文獻通考宋鄭青之建以

祀樓昉理宗御書扁賜之

久紀

東湖書院

在城東三十里

續文獻通考元時邑人陸天

祐建

久紀

鄮山書院

在城西五里

嘉靖寧波府志元大德三年

鄉儒趙壽建為祠以祀朱子

久紀

鄞江書院

在府治西

續文獻通考元時邑人張式良

建

今改寧波衛

義田書院

在郡治月湖西

舊浙江通志明廣盈倉基

國朝順治十年海道王爾祿建康熙二十五年知府李
煦重建改名月湖書院雍正五年知府孫詒修八
年知府曹秉仁重修

鄞縣儒學

在縣治西南

成化四明郡志唐元和九年建

廟於縣東宋慶歷中王安石宰縣因廟為學延祐
四明志崇寧二年移於縣西南燬於建炎中嘉定
十三年邑簿呂康年以寶雲寺西創禮殿寶慶二
年尚書胡榘守郡經營有成至元十九年儒學提

舉田希亮增置二齋二十八年廉訪副使陳祥撤而新之至大二年燬於火縣丞賈思恭以廉訪副使趙宏偉之命經營之尹張繼祖繼之後同知張

伯延成之

袁楠重建鄞縣學記州郡悉置廟學奠謁講說循襲條制而職教之道似若有

未修焉者鄞舊有學王文公為宰時延會稽杜先生醇教之學者輩出至大二年郡大火學燬主邑之學孔文雋董儒金始建講堂禮殿未完而去皇慶二年三衢姚熙載實來是歲天子下科舉詔同知郡事吳郡張伯延率郡官而助之邑令梅君遇春丞簿龐君滋范君祐廷曰吾長於是茲役曷可緩嚴工庀程戒肆業者咸輸以佐閱二年學宮之制完且具矣姚君乃曰鄞號多士昉杜先生宜作

先賢以祀鄆士之興其自今始乎嘗謂學校宮室
循行風俗之使者未嘗不督厲修繕獨教法未定
雖聰明自任獨不敢高下以議今明詔四出郡侯
首創其原姚君又能推本前人尊師之旨庶幾吾
里之秀士詢考耆哲篤行於顯微内外之實乎
成化四明郡志明正統三

年知府鄒珞徙建明倫堂於殿西左右建二齋東
建文昌祠闢射圃成化初守張瓚割寶雲寺西隙
地以廣之嘉靖寧波府志弘治乙未提學副使趙
寬守伍符徙寺遠之而徙明倫堂於寶雲寺故址
建尊經閣

陳琳為記

後令曾直又復門東侵地

楊守陞為記

嘉靖辛丑守沈愷立聚奎堂

自為記

丁巳令曾承芳

立名宦鄉賢二祠甲寅令夏儒改創名宦鄉賢二

祠

周相為記

鄞縣志萬厯丙申令翁憲祥江秉謙沈猶

龍崇禎甲戌諸生錢肅樂先後繼修

國朝順治四年知縣董大翮修康熙三年知縣張幼學

重建明倫堂啟聖祠五十二年知府李肅修先師

廟櫺星門建兩廡啟聖祠文昌閣

仇兆鼐為記

雍正五

年知府孫詒知縣楊懿教諭沈廷桂協紳衿重修

八年知府曹秉仁又修

射圃

在文昌祠東北

名宦祠

祀陸南金以下五人

鄉賢祠

祀黃公以下一百六

十二社學

六所並在城久圯

葡坡書院

在縣治東

鄞縣志宋樞密陳清敏卓建

魯齋書院

在縣治西

成化四明郡志舊在西南隅浙

東道都元帥鎖南班建以祀文正公許衡後徙建

育才書院

在醋坊橋西

寧波府志康熙三十六年知

府高欽桂建

義學

在求
豐街

寧波府志雍正七年知縣楊懿以前

巡道胡承祖生祠改建

慈谿縣儒學

在縣治
東南

成化四明郡志宋雍熙元年

令李昭文建於縣西延祐四明志慶歷八年令林

肇徙縣治東南

王安石慈谿縣建學記古者井天下之田而黨庠序國學之法立

乎其中後世無井田之法而學亦或存或廢大抵所以治天下國家者不復皆出於學而學之士羣居族處為師弟子之任者講章句課文字而已至其陵遲之久則四方之學一廢而為廟以祀孔子於天下斷木搏土如浮屠道士法為王者象州縣吏春秋率其屬釋奠於其堂而學者或不預焉蓋

廟之作出於學廢而近世之法然也今天子即位若干年頗修法度而革近世之不然者當此之時學稍稍立於天下矣猶曰州之士滿二百人乃得立學於是慈溪之士不得有學而為孔子廟如故廟又壞不治令劉君在中言於州使民出錢將修而作之未及為而去時慶歷五年也後林君肇至則曰古之所以為學者吾不得而見而法者吾不可以無循也雖然吾有人民於此不可以無教即因民錢作孔子廟如今之所云而治其四旁為學舍講堂其中帥縣之子弟起先生杜君醇為之師而興於學噫林君其有道者耶夫吏者無變今之法而不失古之實此有道者之所能也林君之為其幾於此矣林君固賢令而慈溪小邑無珍產淫貨以來四方游販之民田桑之美有以自足無水旱之憂也無游販之民故其俗一而不雜有以自足故人慎刑而易治而吾所見其邑之士亦多美

茂之材易成也杜君者越之隱君子其學行宜為人師者也夫以小邑得賢令又得宜為人師者為之師而以修醇一易治之俗而進美茂易成之材雖拘於法限於勢不得盡如古之所為而吾固信其教化之將行而風俗之成也夫教化可以美風俗雖然必久而後至於善而今之吏其勢不能以久也吾雖喜且幸其將行而又憂夫來者建炎四年

燬淳祐間節度推官宋南强重建八年今唐仲溫落成至正四明續志元元貞二年燬因舊址建至元五年敎諭季仁壽修成化四明郡志明洪武三十一年典史余瑄建梯雲亭架閣庫宣德六年郡

守鄭珞推官呂翱重建明倫堂嘉靖寧波府志正

統三年丞劉頤重建兩廡弘治庚戌令和鵬復建

大成殿周旋為記嘉靖癸卯令陳褒廣明倫堂改會膳

堂為尊經閣丙辰燬於寇丁巳即其址重建廟學

同知侯國治令劉子延踵成之天啟慈谿縣志萬

歷十六年令何偉修四十六年令陳其柱重修姚宗

文為記天啟二年明倫堂尊經閣燬三年令李逢申

重建

國朝康熙十年知縣吳殿弼重修

射圃

在城隍廟西

名宦祠

祀房琯以下一十三人

鄉賢祠

祀楊適以下二

十人社學

十五所並在坊隅久圯

慈湖書院

在縣治北

續文獻通考宋郡守劉黻建以

祀楊文元公設山長主之

杜州書院

在縣西北

續文獻通考童居易讀書之所

奉化縣儒學

在縣東北

延祐四明志宋景祐中令于

房廣廟以立學治平初令裴士堯遷廟學州東久

而圯宣和初令周因重建燬於建炎中紹興九年

榮彛復建慶元二年邑士汪伋撤大成殿及門廡

新之

樓倫為記

嘉靖寧波府志嘉定七年令馮多福立

尚友堂

周勉為記

延祐四明志元至元二十年堂以颺

風仆復建明年新兩廡儀門主維者令李天益也

二十九年丁尹濟創養正堂至正四明續志延祐

戊午知州馬稱德葢尊經閣及講堂後軒兩廡六

齋倉廩庖溷咸備二年同知哈扎爾重修成化四

明郡志明洪武二十年圮於風二十三年知縣章

彥淳建講堂三十一年知縣郭麟創會膳堂宣德

八年知縣周銓重修大成殿改造明倫堂

陳山嘉為記

靖寧波府志成化丁未令曹瀾正德丁丑縣丞黎

伸己卯令朱豹嘉靖己丑令陳鎬相繼重修

陸瑜王應

鵬各有記

奉化縣志萬歷中廟燬令汪應嶽重建崇禎

己巳明倫堂圮通判林士雅令吳之錦修寧波府

志崇禎十二年署令通判蔣中超修

國朝康熙十一年知府邱業知縣鄭懷重修十八年令
蔡毓秀修大成殿兩廡儀門雍正元年知縣魏大
德王緯教諭陸鶴訓導周兆馨等重修

射圃

在學宮

名宦祠

祀鄭奉以下
一十二人

鄉賢祠

祀祖域以
下二十六

人

社學

二所一在連山驛
東一在縣南久祀

龍津書院

在縣治東

奉化縣志宋乾道中朱文公奉

使至此士人咸留問道遂立書院後遷於學東元

達魯噶齊察罕等興復於寶化山之陽

久祀

廣平書院

在縣治東

續文獻通考宋舒璘講學於此

登瀛書院

在縣治南松林鄉

成化四明郡志宋咸淳間

鄉人共建

松溪書院

在縣治東忠義鄉

成化四明郡志元至正七

年邑人李德說建

鎮海縣儒學

在縣治東北

延祐四明志宋雍熙二年主

簿李齊建於縣東崇寧中廣之紹興八年令章汝

翼改建於縣東北嘉靖寧波府志慶元初令韓永

德復建大成殿歷三令始完明倫堂嘉泰初令商
逸卿鼎新之邑人胡大任黃君中亦益地拓學嘉
定間令崔端學創四齋及兩廡廩庫泮橋八年攝
守程覃立直舍小學紹定四年令陳纘淳祐庚戌
令范世昌相繼拓舊址

胡剛中
為記

成化四明郡志元

至正中令汪以敬增構齋舍置文昌祠光霽亭

劉本

仁為
記

明正統十一年知縣戴鍾重建大成殿修明

倫堂成化元年縣丞王愉築膳堂嘉靖定海縣志

成化六年副使朱紳都指揮張勇重建殿堂兩廡

劉紆
為記

弘治初學使鄭紀闢射圃七年巡海副使文

貴命知縣李廷儀建饌堂增號舍嘉靖二年令鄭

餘慶修

謝遷
為記

三十三年令宋繼祖重修

王交
為記

四十

一年令何愈重修

張時徽
為記

寧波府志萬歷二十五

年知縣丁鴻陽重修文廟

余寅
為記

三十七年知縣樊

王家重建尊經閣

薛三省
為記

舊浙江通志崇禎間巡

海道蕭基知縣龔彛重建

薛三省
為記

國朝順治十八年巡按楊旬瑛康熙六年知縣王元士
相繼重修十七年教諭趙時楫重建啟聖祠五十
年署縣事繆燧修先師廟及兩廡五十八年知縣
田長文修築門牆

射圃

在明倫堂西

名宦祠

祀李夷庚以下三人

鄉賢祠

祀曹粹中以下四人

社學

在縣南

湖山書院

在縣治西北

鎮海縣志元至元間建祀文

潔先生黃震至正間燬五世孫黃禮之復建

南山書院

在縣治東

鎮海縣志沈煥講學之地明嘉

靖七年知縣周懋建

象山縣儒學

在縣治東南

延祐四明志唐會昌六年建

宋嘉祐中令顧方修治建炎兵燬隆興元年令胡

錡重建嘉定十一年令趙善簪作大成殿

張處為記

成

化四明郡志成淳四年令陳明復重建明倫堂明

年重建大成殿

黃蛻為記

至正四明續志元至元二年

令龐思忠立櫺星門

賈蒙為記

至正元年尹穆布延特

穆爾修成化四明郡志明洪武三十一年縣丞丁汝器修建正統間知縣孫樞修大成殿建文昌祠嘉靖浙江通志成化間知縣凌傳修嘉靖寧波府志嘉靖二十八年令毛德京大加修葺象山縣志

嘉靖間教諭楊繼宗創禮門濬泮池跨以橋

應雲鷺為

記三十九年颶風壞殿堂齋通判梁紹引令游泮

協修邑人史安邦鑄鼎文廟啟聖祠兩廡各一

俞

仁為萬歷三十五年令周官買地建橋築牆寧波

府志崇禎十一年知縣湯維重修

國朝順治十一年令陳黻重建明倫堂康熙十二年訓

導程士棫偕諸生重修正殿二十四年教諭沈用

將修二十六年寧協副將汪國祥重建兩廡

顧豹文為

記三十四年教諭姚廷傑重修雍正三年令馬受

曾與各官紳士重建

錢式莊為記

射圃

在邑屬壇南

名宦祠

祀顧方以下四人

鄉賢祠

祀楊王休以下十人

社學

舊有二十四處在坊郭鄉都久圯

丹山書院

在縣西樓霞觀東

象山縣志宋趙善鑒建

久圮

聚奎書院

在儒學南

舊浙江通志明萬歷中令周官

建

定海縣儒學

在縣治東

延祐四明志宋熙寧八年令張

懿文建元祐七年簿顧復經又徙而東淳熙十二

年令王沆徙於丞廳南嘉定甲申令趙大忠葺治

增蓋

袁變為記

至正四明續志淳祐間重建者令沈壑

也元泰定間重修者知州韓搏也定海縣志明洪

武二十年學隨縣廢附於舊定海縣

國朝康熙二十六年題請設縣建學知縣周聖化卜地

於縣治之東建

周聖化新建定海縣儒學記定海自唐開元二十六年設翁山縣至

今九百年間廢興不一唐為縣僅二十年建學不久惟宋熙寧八年迨元至元之末皆立邑校而明時廢學亦如之則夫千年之久得陶淑於夫子之教僅三百餘年何其不幸也今

上御極二十有六年海宇承平聲教四訖凡遐方絕域向所委棄而不有者悉疆理而甸邑之於是鐘鼓玉帛鏗鉤焜燿於儀狄之鄉而夫子之學建矣聖化承乏茲土幸董其役自材木治垣黜陟之歲以及營管邊豆之細靡不躬親而規模氣象亦畧具矣士子遊於聖門而升其堂高明光大入其室精

密深微吾見循循然潮之泳之不舍晝夜而進則故乎四海無難也此吾所以為定之多士勉也

四十二年知縣繆燧修四十八年重修

御書樓

射圃

地

名宦祠

祀齊濟以下一十九人

鄉賢祠

社學

在縣治後

翁洲書院

在城北

成化四明郡志宋理宗書扁以

賜叅知政事應傑

記

岱山書院

在岱山

成化四明郡志宋咸淳癸酉魏

渠建

黃震岱山書院記四明枕大海為郡居天下極東又其東為昌國縣中於海為岱山岱山

在鯨波浩渺間去三韓幾一帆近而士生其間往往多秀拔冠鄉里登上庠擢高科而躋膺仕者踵相接非山海碩大之氣之所鍾而能爾耶一日士有家於岱者忽航海過余而言曰學校一郡一邑而僅一置講學之地不可以不廣也況岱山阻大海士雖欲擔簦負笈而至都邑學不可得士果何以為麗澤之地古者五家為黨黨有庠今岱山可三千家而反古者一黨之不若咸淳七年魏君渠等因請於郡太守劉公猷得酒坊廢基創岱山書院劉公既捐公帑以為助又歲減酒息錢請鄉先生許君定正席舉比與鄉之人士藏修息游於其間距今五年而書院大築成矣余聞而歎曰何岱山多士地之偏而學之正耶世有謂愛非仁直欲掃除乍見孺子入井之心謂心即道直改用大舜

人心道心對立之說以為證謂孝悌為支離謂講學為邪說時則有若文公先生出乎其間辭而闕之天地為之重開日月為之重明有人心者宜知所嚮方矣岱山講文公之學而世之攻文公者尚多也其幸精思而實得篤信而力行使正論日興海隅蒼生日出之地洋洋流動端於岱山書院占之元至元三十一年徙於市

虹橋書院

在城西七里

定海縣志宋太師余天錫建

延師教閭閻之來學者今遺址尚存

紫陽書院

在城

定海縣志明隆慶間叅將梅魁建

圮

義學

在縣治後

寧波府志康熙五十年邑令繆燧建

紹興府

紹興府儒學

在府治東南

於越新編唐時置於城北至

五代而廢宋嘉祐中始遷南隅嘉泰會稽志嘉祐
年州將刁景純沈文通張伯玉相繼繕造章伯鎮

成之

謹按會稽志吳監簿事實云監簿名攷捨宅為學今學相傳乃監簿之故居也

寶慶

會稽續志隆興二年吳芾重修

周綰為記

嘉定十六年

汪綱又增葺之嘉靖浙江通志明正統十四年知

府白玉重建弘治紹興府志弘治七年知府游興
建文昌鄉賢祠萬厯紹興府志弘治中叅政周木
復加營構萬厯九年知府傅寵建名宦祠

國朝康熙六年里紳朱懋文重建明倫堂知府夏霖修
大成殿十年知府張三異重修

陳可畏為記

二十一年

里紳姚啟聖四十九年庠生朱洪謚再修五十七
年知府俞卿大修之雍正八年知府顧濟美增修
重建稽古閣

射圃

在訓導
解東

名宦祠

祀任延以下
五十四人

鄉賢祠

祀嚴光
以下一

百八十
四人

稽山書院

在府城卧
龍山西岡

於越新編宋朱文公嘗司

本郡常平事講學數政以倡多士三衢馬天驥建

祠祀之其後九江吳革因請為書院明正德間知

縣張煥改建於故址之西嘉靖三年知府南大吉

增建明德堂尊經閣

王守仁
為記

後為瑞泉精舍試八

邑諸生選其尤者升於書院月給廩餼萬歷十年

知府蕭良幹修之改名朱子祠又即瑞泉精舍址

建一堂曰仕學所

蘭亭書院

在城南二十五里

萬歷紹興府志本晉內史

王羲之修禊所元時置書院

久圯

南明書院

在文廟東

於越新編郡人太守諸萬里建

五雲書院

在東雙橋東

紹興府志明萬歷十二年知

府蕭良幹重修改名五雲館

國朝康熙三十年知府李鐸五十六年知府俞卿重修

仍名五雲書院

陸太傅書院

在城西六十里

於越新編明正德間郎中

周初重建

陽和書院

在卧龍山陽

紹興府志明張宮諭元忭與

朱賡羅萬化讀書其中

叢山書院

在叢山

紹興府志明劉宗周講學於此

後為老郎廟

國朝康熙五十五年知府俞卿購復之重修書院

山陰縣儒學

在縣治南

明一統志宋崇寧中建寶慶會

稽續志嘉定十六年令趙汝駟修郡捐緡錢以助

陳耆卿為記

嘉靖浙江通志淳祐間令林順修

按孔瀛記云元

至元乙卯尹賈文秀重建講堂明洪武十三年知縣齊達勒丹重

建弘治紹興府志明弘治丙辰知縣李良建明倫

堂萬歷紹興府志弘治正德間知府戴琥知縣顧

鐸相繼買民居拓之山陰縣志嘉靖初知縣吳瀛

購民居以闢故址

王守仁為記

紹興府志隆慶萬歷天

啟間知縣楊家相耿廷柏馬如蛟重修如蛟又建

文昌閣

國朝順治二年署縣陳本厚修啟聖宮康熙二年貢生

劉匡之生員沈麟趾修明倫堂八年大成殿壞知

縣高登先教諭高基重暨劉匡之沈麟趾監生虞

卿葺之

高登先
自為記

二十年知縣范其鑄重修四十六

年生員朱洪謐修雍正八年知縣沙漢鰲重修

射圃

在縣東北
社學舊址

名宦祠

祀金爵以
下六人

鄉賢祠

祀陳覲
以下三

十社學

二所一在縣治北
一在越王祠西

湖門義塾

在府城西北

紹興府志元至正初邑人孫

敏中建

周氏義學

在錢清鎮

紹興府志邑人周廷澤建明嘉

靖十四年其子給事中復購地廣之

觀海書院

在丈午村

紹興府志康熙五十六年建先

是知府俞卿卿督築海塘集里老子弟講孝弟力由

諸務鄉民遂構書院為講所

會稽縣儒學

在縣治南

嘉靖浙江通志宋崇寧二年建

元至元間燬大德五年重建明一統志永樂六年
重建於越新編天順年知府彭誼以隙地易舊址
建萬歷會稽縣志成化二年知縣李載鑿泮池置
橋於越新編弘治間知縣陳堯弼通廟道自櫺星
門抵馬梧橋萬歷紹興府志嘉靖中知府洪珠知
縣王教復拓之紹興府志嘉靖隆慶萬歷間知縣
莊國禎傳良諫曹繼孝相繼葺之

陶望齡會稽縣重修儒學記黃

岡曹公來涖茲邑視政多暇則進其邑之弟子而
程試之以歲時謁奠文廟周覽堂序怍然瞻懷慨
廡宇之就圯隱文治之未朗議新之而難其費於
是周計帑中得故儲之鏹若干緡鳩工庀材時不
易節賦不益人民不加役而模增敞貌增煥博士
屠君何君率其弟子請記余曰公豈以其宮室之
敗壞是葺將亦今世士習之敗壞是興古之君子
植行有壇宇潔志有堊滌至道有奧突謹其蕩靡
室其隙穴所以救敗而自完也士節之不渝繫實
行是賴自不佞之去為諸生而至於今且三十裸
其間文明奕而日聚而淳樸則若澆而日散可謂
歲有不同矣士處於黌校猶女之處室然故心繫
絃挺而口不問州郡志大宇宙而身在環堵今之
士似不無小謬也其焉用文之作室者先撥日測
圭奠基厚礎其材大者梁棟小者櫺枅最後乃刻
鏤藻飾耳文之於士真刻鏤藻飾也非質幹焉施

哉吾邑庠於天下稱能文其先多君子而茲又有
賢令如曹公者砥整名節以為多士勸語不云乎
已雖已琢復歸於樸此亦歸樸之一時詎令遽傾
敗蒼穢為也諸君其悲之吾庠之士風與其宮牆
並新今日以無會稽縣志萬歷年令羅相重修
負公加惠至意

國朝康熙二十年里紳姚啟聖重修金炯為記康熙五十三

年重修大成殿雍正九年知縣楊沛重修增建文

昌閣於巽隅

射圃

在學內

名宦祠

祀李俊之下五人

鄉賢祠

祀何子平以下二十一人

社學

二所一在縣南一在五雲門外

和靖書院

在王笏山久圯

麗正書院

舊浙江通志唐開元十一年置

久圯

念齋書院

在陶堰

於越新編明郡人陶允宜建

康洲書院

在信塘

於越新編明郡人羅光鼎建

會稽縣義學

在南街

紹興府志舊為善法寺明嘉

靖間寺廢知府洪珠改建以祀宋尹和靖先生名

古小學劉宗周重修之率弟子講學於此額曰證

人書院

劉宗周證人書院記越郡之有古小學也昉自前太守莆田洪西淙公珠以祀寓賢

宋大儒尹和靖先生云先是嘉靖中有詔許天下
各建社學公遂燬郡中淫祠即其址建大集士子
絃誦其中而重師模於和靖先生享堂左一楹曰
義路右一楹曰禮門分二門而入為養正堂為游
藝所左右各列號房繚以周垣仍餘隙地落成者
嘉靖九年庚寅都御史姚公鏌為之記讀其辭想
見一時風規之盛歷隆萬以來師徒罕聚學舍盡
圯其隙地亦多分割之居民不可問矣天啟甲子
宗周言之前督撫王公遂下檄山陰令馬公鼎新
之無何逆璫魏忠賢亂政詔燬天下書院禁師徒
之講學者工未半而告寢迨今上御極四年辛未
郡諸生復具狀當事太守黃公欣然任之諸大夫
後先任事咸有同心暨前學政劉公今令君汪公
會稽周公次第建堂廡如舊制距今歲庚辰通計
前後十七載而告成
市益憂憂乎其難哉

國朝康熙五十九年知府俞卿與會稽知縣張我觀鼎
新改額曰會稽縣義學

蕭山縣儒學

在南門外

嘉泰會稽志舊在縣西弘治紹

興府志宋紹興間令陳南移於今南門外宋敷繼

成之

莫濟重建蕭山縣學記浙河以東郡縣連城數十獨蕭山去都為近人徒之衆覺宇之壯

舟車之雜集大哉縣也近而且大宜有卓異秀穎之民出乎其間而未之見紹興二十有六年夏四月丹陽陳南來宰是邑顧瞻黌宇陋其制之卑下與其地之囂塵也相度南門之外地廣以平環羣山而帶流水遂定遷焉冬十有一月役於邑中明年秋移病歸常山宋敷實嗣之請於郡守趙公出

公帑錢八十萬以佐其役冬十有二月廟學於是始成前統重門中嚴廣殿有橫經之堂有肄業之齋既用幣於先聖先師以濟之分教是郡也使來請記濟謂俗無美惡而教有興廢今明天子在上帝行自近始郡守縣宰相與奉承而宣布之編民爭遣子弟列諸生惟恐居後安知其不變而至道也且是縣江山之勝名天下吾意夫橘柚羅綺之美不能獨當也鍾而在人者特鬱而未發耳守宰三君子則既發之矣被其賜者宜若之何母怠荒暴棄毋惑乎異端而蹈乎匪彝不惟以對三君子庶無負天子樂育之意云其後知府汪綱及元縣尉王振縣令崔嘉訥華凱邑人賈元善明知縣張崇吳汝芳相繼修之正統間知縣李珙重建大成殿成化間知

縣陳瑤改造號房知縣吳淑闢明倫堂知縣朱栻
置射圃蕭山縣志弘治十四年令楊鐸朱儼建明
倫堂嘉靖浙江通志正德八年知縣吳瓚重建萬

歷紹興府志嘉靖十八年御史張元德增拓之

按蕭

山縣志云嘉靖十七二十八等年西江
水溢學宮令林策修之蔡宗充為記

三十六年

提學副使畢鏘建尊經閣萬歷十三年知縣劉會
建三元閣蕭山縣志萬歷三十一年令程再伊天
啟二年令陳振豪四年太學生來宗道崇禎間教

諭屠肇芳遞為修葺

國朝順治四年令王吉人重修

來集之為記

十一年殿棟折

令韓昌先易之十四年廟門摧邑紳朱懋文重建

康熙八年聚奎堂圯教諭俞潁湄諸生王伯璠等

修十一年教諭盛旦庠生周之冕重建明倫堂張

文起建大門十六年監生丁士俊生員丁鳴俊重

建泮橋康熙二十二年教諭張紳訓導姚德堅重

葺

射圃

在學內

名宦祠

祀楊時以下一十五人

鄉賢祠

祀夏方以下三十人

社學

在鳳堰中

道南書院

在德惠祠右

於越新編明成化年知縣竇

昱建

清惠書院

在蕭然山麓

蕭山縣志康熙三十二年建

諸暨縣儒學

在縣治西

嘉泰會稽志唐天寶中令郭密

之遷於長山下晉天福庚子令趙諲移縣東宋景祐四年尉劉述重建慶歷四年令寇仲溫增造諸

暨縣志淳熙六年知縣李文鑄遷建今址提刑王厚之易民居廣之元元貞間陞州學知州馮翼重修元末燬明洪武改元仍為縣學於越新編洪武初知縣田賦重建嘉靖浙江通志成化四年知縣

曹銓修

商輅重修諸暨廟學記諸暨縣學在縣治西國朝洪武間重建至是百年矣歲久材

老傾圯天順甲辰進士滿城曹銓秉衡來宰是邑屬意新之適學憲劉君鈺修學檄至克符此心於是鳩工畝村卜日就事首大成殿次兩廡戟門次明倫堂左右二齋悉撤其舊而新之初生徒號舍迫兩廡後甚隘乃闢而廣之各構樓數十間藏修有所游息有地以至庠庫庖廐靡不有次經始於

成化丁亥五月迄
明年九月畢工

五年建尊經閣諸暨縣志弘治

癸亥知縣潘珍重建嘉靖壬寅知縣徐履祥重修

萬歷間廟堂廊廡祠舍盡圯甲午知縣尹從淑再

建四十四年又圯太學生樓成櫝重建

射圃

在尊經閣後

名宦祠

祀張敦以
下三十人

鄉賢祠

祀范蠡以
下二十九

人社學

在縣西南朱山之麓久圯

白門義塾

在白門

紹興府志元方鑑立

紫山書院

在西門內

萬歷紹興府志嘉靖十四年本

府推官陳讓建

餘姚縣儒學

在縣治東南

弘治紹興府志唐時在縣西

宋元豐初縣人莫將士購地輸官縣令黃鑄創學

舍紹興間縣尉史浩買地為射圃嘉泰會稽志慶

元五年施宿創直舍為致齋考試之地

樓編為記

嘉靖

餘姚縣志咸淳九年令趙崇簡大改作之

黃震餘姚縣重

修儒學記咸淳九年冬金華趙侯為餘姚宰修泮宮成明年春走書屬震曰教化治道之原庠序

教化之先務故董仲舒謂守令為民師我朝立法守令亦無不以學事繫衡世降以來為令者苦

財賦學事往往不暇省如吾邑學廩歲收五百石有奇公厨至不舉烟學官至老且厭吾為此懼身任其事乃新禮殿增欄楯改兩序以便出入若儀門若講堂若齋廡下至庖湑垣墉臺是咸新先賢祠昔之散處者今亦創一堂於東序而合之匪惟修舊殆亦增飭今而後將與二三子日講習於斯願子有以發其意震惟邑之以餘姚名以其為帝舜舊地也設學校以教人自舜命契始舜之教人也不外君臣父子夫婦長幼朋友五者而今之古若何也利祿誘之也然利祿何足以誘人哉人之窮達制於天而利祿之有無係於命不以求而得不以不求而喪吾惟即君臣父子夫婦長幼朋友各盡其所當然者於以從容乎禮義之常安行吾生平之素而大者立矣則課試可也科舉可也亦帝舜敷納以言之遺意也否則謂利祿可以求而得謂讀書可為鉤致利祿之具疲其神於破碎

之學窮其力於聲病之文五者大倫反不知實踐則雖游於斯息於斯絃誦於斯口談義理皆非其實學校之教舜之所以始於虞庠者豈若是耶侯今興學於舜之鄉亦惟以舜之教入者教人人各以舜之所以教人者自勉則驚旂嘉靖浙江通志戾止於魯僖有光矣固以為記

元陞州學至元火尹杜仲仁重建嘉靖餘姚縣志

至元二十八年浙江廉訪使王侯令縣更大之重

紀至元二年復災守汪惟正劉紹賢相繼新復至

正八年守汪文璟增建自為記二十三年邑儒黃顗

出貲新學

劉仁本為記

紹興府志明復改縣學永樂七

年教諭林觀上言詔有司修治嗣後知縣卹養浩
黃維張瓚盧昶詹源澤劉規顧存仁鄧林喬丁懋
遜推官陳讓通判葉金教諭王懋累修之

國朝順治九年知縣胥庭清重建

自為記

康熙六年知縣

潘雲桂修二十九年知縣趙如璉教諭沈煜方運昌
協新之

射圃

在學南

名宦祠

祀朱然以下二十三人

鄉賢祠

祀嚴光以下一百六

人社學

二所一在城一在西南隅

呂氏義學

在城內東北隅

紹興府志宋呂次姚建紹興

中其裔仲應重建

高節書院

在客星山南

續文獻通考宋淳祐中劉黻

建

久圮

怡思書院

在四明鄉

於越新編宋修職郎孫一元建

古靈書院

在縣北屯山之陽圮

姚江書院

在城南巽水門

餘姚縣志在治南五里半霖

鄉中祀明王文成而以弟子配享

崇禎間邑人蘇元璞倡建旁拊

以元
璞主

國朝康熙四十二年遷今處雍正九年浙江總督臣李

衛檄縣重修

豐樂書院

在龍泉山

餘姚縣志郡守李鐸建

上虞縣儒學

在縣治東南

明一統志宋慶歷中建萬歷

紹興府志紹興中令葉顥斥而大之寶慶會稽續

志淳熙十一年令劉莒重修

豐謹為記

萬歷上虞縣志

嘉定甲申令樓杓重建明倫堂櫺星門元至元甲

申尹王璘建儀門大德中尹阮惟貞教諭喻舉邑

民貝道用貝居仁繼修

台哈布
吟為記

元末燬明洪武間

令馬馴贖民地建學門於越新編景泰四年知縣

唐肇重修萬歷上虞縣志嘉靖三年令楊紹芳購

地拓之八年令左傑移鄉賢祠於廟門西十五年

令張光祖建名宦祠於廟門東萬歷五年教諭李

志寵建土地祠

自為記

十年令朱維藩修聖廟

陳絳為記

二十二年令楊為棟修並置學田

鄭一麟何大化為記

二十

五年聖殿圯令胡思伸鼎新之

何大化為記

又續置學

田

陶望齡為記

上虞縣志崇禎間知縣李拯建聖殿兩

廡啟聖祠櫺星門

國朝康熙八年署縣同知孫魯教諭樓立尊知縣鄭儁如修五十二年貢生馮宸錦建明倫堂

射圃

名宦祠

祀度尚以下十人

鄉賢祠

祀朱熹以下十四人

社

學

在縣西

月林書院

在清風峽

於越新編朱子講學所宋潘時

建

泳澤書院

在金嶧山東

於越新編元至元間創於西

溪湖濱方樞密移於此祀朱文公歲久廢明萬厯間知縣朱維藩復建

中峯書院

在東山兩眺間

紹興府志明董文簡玘建

水東精舍

在龍王堂故址

萬厯上虞縣志嘉靖三年楊

紹芳建

嵎縣儒學

在縣治西南

弘治紹興府志唐時在縣東南

宋慶歷間縣令沈振丁寶臣遷於縣西南

王安國為記

嘉泰會稽志宣和中燬建炎元年令應彬建孔子

殿後三年范仲將置廊廡又明年姜仲開始大之

王銍為記

乾道癸巳丞相謝深甫尉剡時與主簿江濤

增葺

周汝士為記

寶慶會稽續志嘉定七年令史安之

移建於縣西南繼錦坊

袁變遷建嵒縣仿學記嵒古剡也剡溪蘊秀異欲罷

不能忘杜少陵之詩云爾夫房異之氣周流磅礴鍾為人物必有寶稟英粹為時翹楚者雖古或時侍士辱長養磨淬良心德性日益著明於是乎皆為善士即今之士類而以古人長養磨淬之道與

之周旋遲以歲月則亦當有不可勝用之才四明
史侯之為峻宰也悼學宮之壞棟橈柱欹俊秀肄
業無所欲一新之舊學在城之隈境非爽塏氣鬱
不舒周覽以求勝處迺得今地臨流負山面勢宏
傑經始於去秋而告成於今春殿堂齋序倉庫庖
湍凡屋百間堅壯軒豁士業其中雍雍愉愉有雲
飛川泳之適侯太史之孫今丞相之從子生長金
玉瀾海之間益自砥礪不溺豪習而留意於學宮
可謂知本務矣諸生亦惟靜觀此心與天地同本
與聖賢同類充火然泉達之端謹告亡茅塞之戒
更相磨厲儒風大振
則侯之至望也哉

弘治紹興府志元至正九年

知縣趙琬作仰高堂二十三年兵燬守帥周紹祖
復建於越新編明洪武暨弘治嘉靖中次第增建

嶧縣志嘉靖九年知府洪珠知縣呂章遷廟於明
倫堂左萬歷二年教諭王天和建聚奎堂三年知
縣朱一柏重建鄉賢祠三十二年知縣文典章重
建廟廡櫺星門鄉賢名宦祠崇禎四年知縣方叔
壯易殿楹以石十四年知縣鄧藩錫重建明倫堂
國朝順治十六年知縣史欽命康熙二年縣丞門有年
五年訓導龔自淑九年知縣張逢歡訓導謝三錫

先後增修

朱爾銓
為記

射圃

名宦祠

祀張稷以
下五人

鄉賢祠

祀王義之以
下二十人

社

學

在城隍
廟西

二戴書院

在縣
北

嵎縣志故戴逵及其子顥讀書

所元元貞二年浙東僉事完顏真尹余洪建至正

五年令冷瓚重修

字文公
諒為記

二十四年守帥周紹祖

重建

許汝霖
為記

後毀明成化十年知縣許岳英重建

王洪
為記

淵源堂

在東曦
門外

於越新編宋周瑜建王十朋嘗

居師席台溫秀士多從之

慈湖書院

在北門內

紹興府志明嘉靖中提學副使

阮鶚檄知縣吳三畏為楊簡立

鹿山書院

在鹿山之巔

舊浙江通志明萬歷十五年

邑士建

宗傳書院

在鹿山書院之前

嵎縣志明萬歷中周汝登

建初稱海門書院門人余懋孳作山陰令扁稱今

額會稽陶望齡顏其堂曰事斯堂後圯

國朝康熙三年邑人吳天璿孫周捷重建

艇湖書院

在縣治東

紹興府志明萬歷邑人王嘉相

建

久圯

長春書院

在北門外

紹興府志明州倅尹如度建

新昌縣儒學

在縣治東南

成化新昌縣志舊在縣治東

宋宣和三年燬於寇紹興十四年知縣林安宅徙

縣東南重建即今址也弘治紹興府志寶祐中令

王世傑始建鄉賢祠宋亡兵火元初令完顏從忠

復建明一統志洪武初重建萬歷紹興府志宣德
成化間知縣周文祥鍾簾毛驤先後修之新昌縣
志隆慶間知縣謝廷試重建明倫堂紹興府志明
知縣曹天憲蕭敏道田琯姜地先後增修

國朝康熙間知縣劉作標重葺

射圃

在學右

名宦祠

祀張珣以下
一十六人

鄉賢祠

祀石待旦
以下三十

人社學

在縣西
久圯

石鼓書院

在西石
鼓山

舊浙江通志宋太傅石亞之

建後廢明嘉靖間知府洪珠復建

萬卷堂

在縣南八里

新昌縣志宋石待旦建堂貯書

為石溪義塾

克齋 舊浙江通志宋石子重藏修所

師友淵源堂

在平臺村

新昌縣志宋義士陳雷建

西塾東塾

在桂山

舊浙江通志桂山陳氏所建

龐公祠義學

紹興府志康熙間知府李鐸改祠

為之

台州府

台州府儒學

在府治東南

嘉靖浙江通志宋初祀孔子

於州治北景祐二年守范說徙東城康定二年守

李防建學今所赤城志皇祐二年呂守士宗創屋

五十楹尋壞紹興十九年宗守穎三十一年黃守

章乾道元年黃守然七年朱守江皆重修之淳熙

七年唐守仲友始大修

唐仲友修台郡學記本朝以振儒為家法自慶歷迄

紹興命教益廣矧在甸服敢不欽承仲友奉命假守至郡既謁先聖行視學宮將就傾圯惕然念非

宣化所宜乃議修學集鄉之縉紳推其賢能者二人庀役事擇僚屬四人助之始作於庚寅孟春畢於首夏材良匠能可支百載夫以天子命郡置學選明師教士以德行道藝以培植風化震蕩習俗使人知有禮義乃王道之本生民之命不可一朝緩也茲郡邇辟靡而以水火風旱之相仍補敗不給顧視嘆咨以迄於今又因循而不修守之罪大今捐數千緡而賢士大夫樂與共成豈獨守之責塞實亦成前人之志副多士之願非天子之德厚而朝廷之化深歎喜其成而推其本言之不足而至於詠歌詩其可無作詩曰有學之宮既久斯圯匪鄉之英孰葺而起伊鄉之英匪為我勞辟雍之化其流滔滔有廡斯修有門斯閤多士復來居移氣壯台山巍巍江水逶迤有學之宮與江山齊既安爾居既鼓爾篋青子衿曷遜爾業我大成殿風斯移我俗斯美詔爾多士毋負天子

歲久欲壓開禧元年葉守箋重建嘉定四年黃守
留作樞星門創小學十五年齊守碩重建樞星門
葺衆齋赤城新志元至元十三年燬於兵達魯噶
齊總管石國華建大成殿劉克昌朱霽次第增修
泰定初總管趙鳳儀建先賢祠元末燬明洪武初
邵守范明敬重建正統中壞於風雨周守旭鑑復
建成化初阮守勤修易樞星門以石杜寧
為記成化末
葉守贊更新之馬守岱悉撤而更作焉嘉靖浙江

通志正德三年燬重建台州府志崇禎間為風所
壞巡道盛仲龍攝府事與司理蔣鳴玉重建

國朝康熙六年知府王綱肅重葺先師廟十年巡道衛

紹芳知府岳貞再葺十六年知府高培建啟聖祠

十七年知府鮑復泰同知李德燿修洪若皋為記四十

七年颶風掀掣殿廡諸祠並圯五十一年知府張

聯元重建汪澐重建台州府學記台處萬山中風俗樸茂近古唐肅宗初鄭虔廣文司戶

此州嘗嘆東魯聖人澤加天下譬之陽春無私其照陰崖獨後因慨然以教化為已任而士習漸振

至宋淳熙間朱子以常平使者行部於州一時從
學之盛淵源師友郁郁彬彬有鄒魯遺風厥後漸
摩涵浸凡文章黼黻之儒皆能砥立名行亮節清
風照映今古者有教以為之本也今張侯由吏部
來刺是邦以興學為先務凡踰年廟貌整飭自殿
廊門觀以及講舍射圃次第井井頓易舊觀豈徒
以守土之責為然哉蓋所以望台之人士而引掖
獎勸作新鼓舞俾知激勵以自奮也今

國家文教誕敷化成久道而茲郡又為文獻名區前
修在望復得使君邦伯之賢為之薰沐而甄陶則
上之所好下有甚焉將見賢才輩出名世挺生嗣
宋元明之典型流風而日進逾上此道德之歸養
成之驗豈獨張侯重葺學宮之意可以大慰即余
之祇承

帝命夙夜冰兢得以一至再至且三四
至者與爾諸生拭目以觀其盛矣
雍正六年知府

江承玠修九年知府張若震重修

射圃

在文廟西

名宦祠

祀畢士安以下五十四人

鄉賢祠

祀羅適以下八十有

五人

上蔡書院

在元妙觀右

赤城新志宋上蔡先生謝良

佐遭黨禁未解而卒台守黃潛祀於州學後建書

院於東湖上元至元中燬徙建今地明成化初僉

事辛訪叅政何宜屬知縣阮勤重建

鑑溪書院

在府城東

赤城新志元邑人柯醵建

赤城書院

在白雲山麓

台州府志明知府周志偉同

知朱世忠王建幹建并立射圃

近聖書院

在府學西

台州府志康熙五十六年郡守

張聯元建

臨海縣儒學

在縣治東南

赤城志廟在縣西南景祐四

年令師道即廟建學

按職官志景祐間臨海令為范師道而赤城志及嘉靖浙

江通志俱無姓台州府志又作趙師範皆誤

崇寧中學徙附於州後乾

道五年火淳熙二年趙守汝愚復新之台州府志

寶慶間令劉棟移建今地德祐二年燬於兵元至
元間學官梁至道至大間達魯噶齊馬拜扎納總
管王居敬相繼建葺至正末火臨海縣志明洪武
三年令王貴教諭胡繼善重建十三年火令龐惟
方重建二十七年又火令段凱重建宣德時令謝
恂修正統二年令劉剛主簿卓宜購地增闢講堂
後令李文序孫振望褚祚方進繼修弘治間郡守
馬岱陳相令陳釗相繼拓治正德三年火十五年

郡守顧璘徙元妙觀地

秦文為記

嘉靖十八年令胡廉

復還舊址

國朝順治十一年知縣徐珏康熙十二年教諭倪堯章

二十一年知縣趙之奎相繼重修康熙四十七年

為颶風所圯五十年知縣王郊教諭錢有煒重建

射圃

圯

名宦祠

祀孫綽以下三十二人

鄉賢祠

祀徐中行以下一十三人

社學

二所一在縣東一在縣西

溪山第一書院

在龍顧山側

臨海縣志宋建朱子書

額尚存

白雲書院

在府治後
龍顧山

台州府志明陳檢討璣建

東湖書院

在舊洪
水園

台州府志馮侍郎甦建

南岡書院

在中子山塙下
舊名小寒山

臨海縣志洪若臯建

東壁書院

在縣
西

臨海縣志洪若臯建

黃巖縣儒學

在縣
治南

赤城志廟舊在縣東宋治平三

年令許懋即廟建學元豐六年令翁仲通徙今地

宣和二年燬於寇五年令王然重建開禧元年火

二年令趙湜又新之嘉定九年令陳夢建作直舍

赤城新志元至元丙子燬時學官闕學儒徐紹先

等修治之舊浙江通志元貞二年陞州學明洪武

時復為縣學台州府志宣德中令周旭鑑重建

黃淮

為記自是而後令祝茂鄭文李葵王欽皆加拓治嘉

靖辛丑廟壞於風令林人紀重建

黃綰為記

庚戌令高

材建明倫堂黃巖縣志嘉靖壬子燬於寇惟存明

倫堂令汪汝達重建廟及兩廡啟聖祠

應大猷為記

崇

禎間教諭費翎重葺廟廡建明倫堂

國朝順治間教諭羅士尤駱維恭相繼修葺康熙九年
廟學燬十年知縣張中選教諭徐光旭建明倫堂
二十六年總兵林本直教諭潘蔭餘訓導何如教
建廟總兵趙宏燦落成之四十七年颶風毀郡守
張聯元總兵林達及紳士興建

射圃

在廟西

名宦祠

祀范仲淹以下一十七人

鄉賢祠

祀杜範以下四十八

人社學

在大寺巷久圯

樊川書院

在杜家村

赤城新志晦菴先生與南湖方

山二杜公講學之地

回浦書院

在縣東五十里

續文獻通考元元貞中建

久紀

文獻書院

在委羽山

赤城新志元樞密副使劉本仁

建以朱文公嘗施教於台杜清獻公得其傳因祀

文公於此而以清獻配焉

危素朱右俱有記

桑川書院

在桑極山中

台州府志元黃壽雲子中玉

建祀二程子朱子以壽雲配

張翥為記

九溪書院

在茅畲

台州府志元年楷嘗講學於此

後人因以祀之

天台縣儒學

在縣治東南

明一統志宋慶歷中建赤城

志廟舊在縣西南宋皇祐中令石牧之即廟建學

陳襄天台縣文宣王廟記天台縣有孔子廟不修縣令石牧之始至歲十月相縣之東南隅大作新

廟為屋總六十一楹先樹正殿中樹講堂圖輿服禮樂之器於兩壁又設學舍師生講習咸有位序

祭器在西房庖廚在東房周迴門廊環以牆垣又考古器作豆簋簠樽俎罍爵之屬十二月廟成

明年春釋奠行禮圖像尊嚴遵俎新嘉神明燕喜人物觀化嗟乎石石可謂有志矣區區一邑而制

度以禮春秋以時俾民不忘天其欲以
斯道覺斯民也石君之志其必有遇矣後三徙淳

熙中令趙公植作廊廡齋廬嘉泰二年令丁大榮

重新之嘉定元年令詹阜民創明倫堂尊經閣十

年丞陳達重建大成殿赤城新志元至元丙子燬

於寇尹張德進劉慶相繼修復至正末再燬台州

府志明洪武中令鄧林因舊址新之

按浙江提學胡榮文廟記

云成化丙申朱清宰是邑撤其舊宇而新之兼制禮器

成化二十二年燬令

王凱更建嘉靖浙江通志嘉靖八年復燬十二年

令周振揚重建天台縣志萬歷二十一年推官劉
啟元徙城南至二十三年張宏代繼任始落成焉
二十六年火惟存廟廡張宏代重建

國朝順治十六年知縣陳獻可重建

胡北龍
為記

康熙十六

年教諭鄒楷訓導徐德恂增修教諭楊王治重葺
雍正七年知縣張若震重修

射圃

在學
西

名宦祠

祀石牧之以
下三十八人

鄉賢祠

祀顧欽以
下三十六

社學

四所一在桃花街一在小田
卷一在平頭潭一在東嶽廟

仙居縣儒學

在縣治東

赤城志廟在縣東宋皇祐初令

陳襄即廟建學初天聖中令陳戢止建廟襄既建

學且為文勸學者宣和兵火廟獨存淳熙七年以

風雨摧壓令莫洗新之十一年令徐栴重建學嘉

泰二年令林岳復葺

周必大重修仙居縣學記古靈先生陳公襄與陳烈周希

孟鄭穆倡道海濱鄉人化之號四先生皇祐中令台州之仙居篤意學校首為文勸人讀書擇明經之士朝夕講說高不躍等畀不流俗示之以方期造於道而進取亦在其中士民懷之奉祠今百五十年矣嘉泰辛酉夏通直郎四明林岳來治茲邑觀慕前哲凡庠序堂廡門觀舉新之學有射圃論

棄榛莽亦加葺葺別市民居創觀德亭總為錢千
二百緡皆出節用舊贖田十八畝輟務場餘財月
萬錢以贍生員請尉簿嘉禾錢撫專主教導夫教
人必以聖人為師古靈學夫子者也林君布古靈
者也學者誠能各因其材孜孜弗怠尊所聞而行
所知豈特無負賢令亦將無負先聖可不勉歟

嘉定元年令姚倬創明倫堂櫺星門台州府志景
炎二年廟燬於兵元至元十八年令王徵重建嘉
靖浙江通志元末兵燬明洪武初知縣王從古建
舊浙江通志嘉靖中學燬同知毛德京重建仙居
縣志宗禎九年知縣蕭鳴鳳重建

國朝康熙十八年知縣鄭錄勲重建五十四年知縣王

觀教諭卓允基重修

射圃

在明倫堂西北

名宦祠

祀羊忻以下一十四人

鄉賢祠

祀蔣旦以下二

十社學

五所一在學西又何埠白塢淨樂界嶺四處

桐江書院

在縣西四十五里

續文獻通考宋方斲唐方

干之裔居台州元皇慶中其孫志道建以祀之

久祀

上蔡書院

在縣東

仙居縣志宋趙必昇以浙漕引

年而歸請於朝為上蔡書院初上蔡謝良佐卒於

台台守黃當建院以祀必昇倣其例亦稱上蔡焉

安洲書院

在縣東二十五里

赤城志元至元中隱士羅

森建

蓼溪書院

在縣西

仙居縣志明刺史吳炳庶建

寧海縣儒學

在縣治西南

赤城志廟舊在縣東宋祥符

五年令蘇季成即廟建學嘉祐四年徙縣驛側紹

聖四年徙縣治東南紹興六年令錢竣徙今地慶

元三年令趙笈夫重建赤城新志元至元二十六

年燬於兵判官張謙縣丞張天錫教諭應同孫相
與重建嘉靖浙江通志明永樂九年燬知縣顧諱
重建萬歷寧海縣志宣德間燬教諭蕭順集義士
新之台州府志成化五年提學道劉鈺洎阮守勤
重作文廟杜寧為記嗣後府判孔彥倫令郭紳張宏宜
皆加修葺萬歷辛卯知縣曹學程重修

國朝順治丁酉知縣李文重建康熙辛亥訓導朱爾詮
率諸生趙應璉等修癸丑知縣崔秉鏡倡建啟聖

祠五十六年教諭朱繼序訓導林蘭重建

射圃

在學門外

名宦祠

祀陳長宮以下七人

鄉賢祠

祀羅適以下二十二人

社學

在西門外久祀

維城書院

在縣東南

台州府志明萬歷甲午知縣王

演疇建

久祀

太平縣儒學

在縣治東南

赤城新志明成化七年知縣

常完建袁道丁隆繼之縣丞范亮復繼之太平縣

志嘉靖間知縣陶秀建啟聖祠萬歷間知縣陳龍

光建尊經閣

國朝順治間教諭張佐極修康熙六年署教諭龔瑛十年縣丞張光恩皆加修葺四十七年圯五十年署縣事運判鄭一楓訓導金德培建

射圃

在西廡西

名宦祠

祀袁道以下四人

鄉賢祠

祀王居安以下二十七人

社學

在城隍廟東

方巖書院

在方巖山北

赤城新志明嘉靖間封翰林

編修謝世衍與弟寶慶守省建以教其鄉族子弟

者
李東陽
為記

浙江通志卷二十七